

四庫全書

集部

欽定四庫全書

兩宋名賢小集卷二百三十四

宋陳思編

元陳世隆補

安晚堂詩集

鄭清之

紹定闕冠平上功省府黃伯厚載與焉余時在政
事掌趙用甫掾西曹力言此文墨士請官以左選

既而賞戾法迄授武階去歲戊戌用甫帥鄞乃來
為閩屬余浪跡湖山歲餘始一見稍接觴詠疊疊
迫人間及前事相見恨晚余與之酒曰一文資直
恩子然以人廢法雖相知如今日亦弗敢則笑而
不怨赴調行在所贈以君莫愁之歌

君莫愁君莫愁不龜癖統能封侯君莫愁君莫愁腰六
相印一敝裘請看涎顙與蹠足千金信矣壺中流荻花
江月正佳耳青山浪泣琵琶舟短衣楚製乃翁喜未必

挽弓若丁字貂蟬本是待臣冠有時出自兜鍪裏雖然
萬戶將軍臂夜逢醉尉頭搶地賣薪愚婦輕買臣不信
讀書有奇事世間衆萬無定容桃笙木棊惟所逢秋來
桂菊黃金叢千機錦繡開芙蓉西風也解作富貴豈必
桃李專春風得時失據自甘苦姑置自是天夢夢君莫
愁君莫愁雙手試捫舌在不勸君勤買西湖船打蓬疎
雨旗亭酒

家園卽事十三首

水滿橫塘占曉晴
蓮腮霞舉葉雲生
魚兒富貴真難比
翠蓋紅粧擁隊行

新竹地肥方怒長
幽花晚發自欣榮
飛來野蝶多情思
不逐蜻蜓點水輕

池荷岸竹悶寒肱
枕歌眠夢欲成珍
重西鄰知好事
隔河送過讀書聲

千巖萬壑自秋春
靜處觀山能幾人
疊得假山人競看
世間宜假不宜真

綠陰樂靜未號蟬
藕葉扶嬌汎水眠
輸殺蜂屯深閉壁
峙糧宿飽蜜中邊

侏儒飽愧東方朔
嫗母呼回郭舍人
博局由來更勝負
雖盧那復較疎親

早作南風午北風
暄涼翻手雨無蹤
田翁舉似霖霖日
踏脚鳴車笑殺農

青帶環生繞岸青
葉間蟲篆學陽冰
墨池文冢非難化
艾菌從教子厚蒸

樹底鳴鳩相唯諾
花間飛蝶自綢繆
二蟲得失聊堪笑
鴻鵠誰能問奕秋

游魚遶石日千里
反舌鳴聲已百能
老鶴易飢增廩稍
乳雞勤哺領孫曾

客有何人君子竹
書無同至大王風
此風此竹堪誰共
著得茶經桑苧翁

人心似鐵爐猶在
世事如棋路不移
閒著目光牛背上
英雄千古竟兒嬉

老紅擬佔春光住
嬾綠枝頭更嬌妬
隨風宛轉未肯落
猶作霓裳羽衣舞

又

樂天故不憂作德心逸休難蟲笑杜甫蝴蝶夢莊周
苛政猛於虎蹊田奪之牛書傳亂人意周易在牀頭

詩別可齋陳制置移鎮吳門

恭惟上明聖宵旰親政初朝有快活貫野無簿策車我
獨何因緣濫持鉤與樞妄意在人物搜羅到巖壑穆之

百函至酬答疲卷舒雖云得梗概詎必相賢愚君時靄
廉譽一再登除書公牘耻私謝直語非貢諛尚無赫蹏
牋而况雙鯉魚元龍一世豪名下定不虛我歸海之濱
偃息田園居生平舊交游相忘付江湖軍將忽打門君
書來自吳甌藁富鴻筆硯銘出龜趺興懷向寥泝論文
逮荒疎自言久愛敬今始通勤渠不為熱翕翕不為暖
姝姝云何好尚真負與世俗殊意者元城賢待以涑水
迂獸旗畫星壤龍藩開玉符老我歎蒲柳投閒託枌榆

味言喜啖蔗秀句嫌催租的知我輩人調度非轅駒子
長園多愛含菀乃集枯梅花倚瘦竹清芬借粵與常恐
硬黃紙喚歸翔紫廬問君立朝節謇諤辛毗裾問君治
理效所至桐鄉朱正爾澤東履俄然移右扶借留此截
鎰來暮彼歌襦壁言之絳霄雲來往本自如君亦何心哉
此事姑置諸但惜君去我有唱誰和余寒山尚餘雪江
濶征帆孤揮毫寫別恨臨風獨躊躇

懷可齋簡林鄭二從事

可齋嚴冷如古書莊語敢下鉛與朱讀之不厭味有餘
簫韶間奏愁爰居文墨政事同機樞炤人炯炯懸冰壺
昆弟親我同二蘇對牀風雨夜夢俱別來半歲意鬱紆
賴有二客能從余或寄可齋雙鯉魚道甫問訊今何如

乍晴觀蜂房戲占

蜜蜂家計千頭奴日併花課供蜜租粉紅黃白各本色
擁腫雙脚尻為車採花歸來不知數一一到門如合繻
方春乳房擁金屋子弟分王遣之國廣輪處處成甘州

饒口嚙嚙不遺力蜜脾割盡剗蠟膚畢歲辛勤用謀食
秋深冬早未見春嗅芳咀華來藻蘋釀成餵糧香滿室
日日飽衙知愛君問誰食蜜還主臣阜財富國今何人

糟螯蚶送苒芷

蚶腹一寸能郭索黃流在中自濡殼蚶蚶可是丈人行
螃蟹眠之師長伯二眸挺出勝怒蛙八跪前驅非屈蠖
笑今樊噲自橫行何用呂布須急縛鋪糟啜醢乃我味
嚼齒穿齦未渠惡屬厭祗覺一解勝效美不辭雙趺落

蔡謨但記尊足存孫卿不悟鐵成錯漫誇右手亦持螯
水中之怒無乃虐梁王菹醢猶至今千古吁嗟漢恩薄
玉柱江蟠酒半酣銀絲鯽魚新膾斫此非不足君所邪
觸顧居貧未能學蟲魚瑣碎熟爾雅剋生逢之三距躍
太真小物自足佳葦芷一笑為飛白

再和且答索飲語

晦途之人暗摸索如龜自遮聊以殼沉湘雖避屈三閭
斷髮奈逢吳太伯周官自詭蠹羸蚋義經敢並龍蛇蟻

姬妃投甕甘骨醉

俗以羣雌巨掩為佳

舌味無心寧法縛黃詩未

足助盤飧吳稻詎能為歲惡尊前介士尚錚錚海底漫
郎終落落帛聲試聽響犀瓠玉指為渠代金錯掩筆而
取僅遺小誰念坑降秦政虐二螯六跪冒族姓穴居頗
笑隣之薄縱令臍足亦可喜中有妙解木應斫賸擬新
筍問揚字先賦南烹仰韓學蠔山馬甲不易致岸下紫
鱗方收躍主人鵲鵲真耐痛笑許子彭如水白

諺語有鵲鵲日至水濱羣蟹相與捕魚蝦飼之

以為常一日鸛鶴語蟹曰施而不報非禮也吾
喬木巢成亦可延客能從吾乎蟹以無翼辭鸛
鶴曰此易耳子以兩距鉗吾足我爾身也蟹悅
從之一飛戾空蟹懼鉗益力鸛鶴痛怒罵之蟹
笑曰作主人乃爾痛耶

鄭德言暫館於別墅

我如杜甫逢王翰君似梁鴻領孟光花竹自慙非獨樂
杼機聊喜聽隣牆賦成寧笑老僮父甕熟定容周舍郎

他日楊花飛燕子可能長記陸宣莊

安晚偶成

五物中間着一翁園廛隨分可支筇
章施采服花粧露
憂擊鳴球竹嘯風疎種密栽觀木漸淺流深浚養泉蒙
眼前丘壑無佳句自哂詩腸苦未窮

和鄭制幹遷居

帝遣夫君侍玉除
繭雲飛上駕龍駒
兵談暫此棲油幕
荷隲居然見子都
風牖喜便鴻案舉
月臺長對兔輪孤

孟嘗幸舍非吾事徒愧荀林為送孖

和鄭制幹謝借居且惠朋樽醉螯詩

平生愛山林里居想王屋孤月自無朋斷雲曾不族詎
知莊遵市儵有賈誼卜西河就索居漆園問尊足翟門
羅可去軻宅仁已熟似聞結駟多每見後騎屬魯臺時
遣餽監侯已發粟競懽王儉蓮肯問顏子弼家貧願鄰
富蒹葭欣倚玉頗容滑稽叟來蓮堂上燭猶能辨絲簧
漸近不如竹濯醪恩兵醞庸行參聖讀願為善頌禱既

醉備五福謀婦擬提壺敲門驚啄木持螯兩從事來就
桑下宿美味均適口雙明喜增目命駕匪千里星言媿
不夙聯句乏追韓補詩聊繼束終當效樂天駱馬為酒
鶯

題雪竇千丈巖

並海危峰駕六鼇招提深處綠周遭樛松直上睡龍起
怒濤飛來風虎嘯坐向亭空雲作伴待看身與月爭高
山靈意我酬清賞為酌冰泉讀楚騷

林治中近有捕虎之役調以拙詩

豺狼當道實堪嗔就乳於菟哭楚臣
馮婦下車宜衆悅將軍射石見心真
渡河應避馮河勇搏獸終歸舞獸仁
他日朕虞須命益九官濟濟定相親

比以拙詩戲調張籍不知作者已盈軸矣輒和兩韻

展也虞朝庶績熙合修筐貢暨熊羆兕容于野雖非地
豹澤其文似識時毛草正須供有用血牙安事殺為嬉

國僑惠政人誰犯虎聽多應謝子皮

虬虎寧如龜有知陸行端自觸危機縛渠呂布還須急
驅以王尋漫失威肯使黔驢呈短技直教獵騎合邊圍

惡盈詎必分人獸猛獲終擒自衛歸

宋人請猛獲於衛
石祁子曰天下之

惡一也云云
衛人歸之

圃中問訊梅友老幹疎花有足喜者

洗出金灘鎖骨沙種成老樹競槎牙冰霜歷盡肌生玉
窗牖寒深影到紗舊歲枝頭新歲景十分好處一分花

誰言冷圃惟秋菊春意撩人乃爾邪

東湖送藕與葦芷

草木誰無知葉落能萸本榮枯遞乘除苗實自穠蓂東
湖百頃蓮夏日傲趙盾州家浚河渠猶難甚芸壑長身
萬柄荷髦梗付鍾畚寒烟熨青鏡時有白浪輶水解毓
仙骨根着泉源混外乾乃中腴下益寧上損淤泥胎玲
瓏多節竅混沌園丁亦善沒擘波沸魴鱖衆株忽仰浮
登岸如衮衮誰知絳縣塗可試平叔粉名非玉井船實

過秋蘭畹有荻雜燕豆菹菜補中壺交梨能養生謾草
亦忘忿空言出好事就與津燥叨贈君擬條水差勝羞
藻蘊

送新薑與苒芷

仲尼何不撒薑食損智深譏藏戲劇將以愚民豈其然
半山失喜為動色拘執誰解鑄此老一時鑿說契胃臆
我疑驗之神農書增壯胃腑良有力月令音商其味辛
調芼魚蔬配香稷方冬沃土培其根隴畦分封隨壤息

長鬚視苗塍獻新先時斲起奮鉏棘青株斯拔薤本重
紅萁半露菱包側駢指驚看產漆園眠足疑為導積石
欲搗芳辛入薺臼為憐膚理傲金狄僕命薺茶泥詩雅
肩差梅桂班內則笑加束縛伐書鯉持助饕庖鱠銀鯽
早年宜薑諺有之今歲雨多生意嗇小摘酸寒類甲菜
大阿嬰冒期膝席公羊穀梁汝徃哉反音一笑當勿勅
釋官有記公羊穀梁並出一人之手
其姓則姜蓋四字反切即姜字也

山間錄拙作求教薺芷俚語將命笑擲幸甚

老我愧不學無以祛六蔽短絆赴修汲深淺忘厲揭每
逢撲凸篇如對葛答謎敵壘或致師何以禦柴曳書林
倦回旋筆徑宜脾睨獨自搔背痒誰與解韉繫誤墨拙
成蠅飲醯癡聚蚋器成多苦窳草創類茅蕝未善文心
雕曷助葵足衛樂只正始音盡發文冢瘞古意窺九疑
詞源決三澁英英韻風雅噩噩規誥誓精剛擎健鷗妥
帖律狂狷解注卑蟲魚獻納笑蝦蟹讀檄頭愈疾聽語
麋著草風高補釣臺天朗摘蘭袂合止按商角刮磨出

廉銳妙指曲不傳奪胎骨可蛻神鍼如運斤折屋去眼
翳又如大醫王割胃滌滯滯萬象困蒐討瑤金拔昆麗
司文當執衡却掃甘擁篲空山闊游從思君願言嚙燕
詞薦藜藿香芼待薑桂翳桑急壺飧毋為答飯糗

兩宋名賢小集卷二百三十四

欽定四庫全書

兩宋名賢小集卷二百三十五

宋 陳思編

元 陳世隆補

安晚堂詩集

鄭清之

謝徐德夫右司和御製賜詩

直道何曾較尺尋昔賢垂範到斯今
臯謨勉勉歌元首

說誨年年沃朕心幸遇千齡開聖治頃塵三事愧宵箴
奎文衣被真難報盥誦新詩愛助深

竭來林下破天慳要使明詩見一閒齒屐印苔春縱步

頸壺蒸粟晚加餐夢魂飛到味書閣

德夫家有
味書閣

世路牢

封函谷關翻笑醉翁猶未醉黃金白鬢說腰環

和林治中雪詩五首

擘天滕六勇如貔移下瓊臺撲凸竒老盡青山真是幻
從渠白戰更無詩馮欄且喜明雙目嘶騎寧愁到十眉

謂撒戎也坡詩長安畫手開
十眉云云中有漁陽胡騎嘶
焦酒不妨敲竹韻園林正

好樂清時

兒嬉犯凍搦文豹怒眦張唇狀崛竒圖得形模規婦笑
絕憐冷落賦翁詩幕談多暇堪娛目喜色排寒為上眉
頗念袁安正高卧拙柴煨芋了年時

鹽虎模糊惜豹貔玉峰高並自多竒春光北苑供花事
夜入西淮奏雅詩銀闕勢增開雉尾賀班香近列蛾眉
看君來歲賡酬筆移在儀曹進表時

白旄麾編牧郊貔羽扇分飛更出奇凍裂弓盤元濟縛
嚙殘旣耗子卿詩蘆花夜月凝湓口梅玉春風侈蜀眉
披雪詩有玉一幅溪藤知幾返鏤冰冷語不驚時
梅春之句

驅騾耐拂豹獾貌

見爾雅釋獸連文

獵騎漫山伏正奇瘞手草

成熊館賦羣驅闕

入兔苴詩獸奔駭類淮肥口狐媚謹

推號國眉滕六倚渠真誤事大寒不出是知時

因會來詩再賡元韻

組練橫陳壯士貌想因舞羽去窮奇千山白髮存公道

十日清吟費老詩待伴易銷春有脚交光最勝日如眉
只愁無着梅花處東絹平章付伯時

續詩之寵依韻以謝

莫搜險韻續貓貍雲景須知雪後奇日絢寒光糴淨界
梅將真色薦新詩試敲折竹煎茶舌旋覓還岑出黛眉
油幙輸君談笑樂聖杯正是一中時

村邊以湯婆樣惠示與詩俱來依元韻

惠中秀外更清便姪姪嬌羞二八年無奈畏塗生衽席

寧教寒夜折冰綿
遣來勸嫗知君狀
擬伴涪翁到曉天
只恐甄花陶學士
風流未了續膠緣

再和村邊解嘲

閒身惟向靜中便
莫景侵尋絳縣年
未解真精昏默默
且觀玄牝息綿綿
溫柔鄉裏誰能老
冷澹生涯別有天
笑撫脚婆為法喜
漆園何必問經緣

緣督以
為經

暖足番君老更便
摩挲笑問阿婆年
聊吟夜月移花影
肯向春風逐柳綿
自有散花居丈室
何妨姹女共壺天

鉛華列屋諸君事乞與寒梅了世緣

造化真機動靜便誰云巧智可同年
藍田日暖烟生玉
閩嶠霜濃木有綿
萬象為春皆是物
一花不實豈其天
吾身太極元同運
陽長陰消在所緣

和葦芷筍詩

我貧每笑齊之觸
晚食雖甘未忘肉
梅肥尚餘風折綠
溟滓餐英命騷僕
藩籬別彼羝羊觸
送似玉堂如楚束
惡詩聊賦徐凝瀑
妙句飛來漱鳴玉
魯無導吏隨賈餗

坐遣蹠奚委葵菰芽勤視綠坡竹期飫伯仁空洞腹
書腸膏腥士之辱得魚不敢餉羊續要知菜味勝山谷
步趨強顏髮曲局盤有美茹無不足陋矣王芻箋衛渙

贈許石田為僧

平明對鏡良獨難子能脫屣彈指間戲視此身如髦蠻
冠中擺落逃繻關千金強弩一笑彎萬錢買盡江南山
厭渠世路車輪殷赤脚健倒苔痕斑參寥佛印若是班
江湖風月不汝慳汝狂方醒衆所謹我獨見之為三歎

辨詰孔釋何可刪白雲深處輸君閒

和敬禪師茶偈

飯罷茶來手接時箇中日日是真機建溪顧渚君休問
冷暖如魚只自知

睡龍纏繞墨甜時捧唱金提落鈍機管取一甌先看到
三更日出有誰知

魚鼓纔休客至時摸頭元是最先機不須吸盡西江水
一滴曹溪味便知

贈育王堪笑翁

問訊瞿曇老比丘靈山何似雪山頭
笑翁底事正堪笑面似靴皮笑未休

蔬圃

活計園蔬日日新杜陵差慰婦長貧
旱薑水芋年時熟春薤秋菘意味真
畦甕賸分三伏雨露根常占百花晨
荷鋤未省勤耕稼猶媿師門學圃人

和林倅賦郡守隨車雨

旌車勤雨拂參旗大士圓通現白衣
爐穢輕煙方先路雷門急令已宣威
為霖贖作西成計書歲誰云大有稀
賢守劬躬民國念食言應笑魯臣肥

和白雪老禪二偈

閱盡恒河水上波聲塵何似泡漚多
還師拍板鉗鎚後更唱誰家別調歌

簷鐸吟風月半凹黃金布地欠誅茅
三更日出真光景大好欽身正笠包

靈隱慧上人惠詩為古風以贈

貫休齊已唐世人當時逸氣凌簪紳聲名疊疊逼甫白
幽蘭直與梅爭春誰知北面石霜老服勤杖屨皆終身
二公所得當蓋世英詞傑句風中塵至今傳者以詩重
妙處反為詩所湮弄翰戲墨雖佛事吹沙作糗成飢嗔
不欲詩工與字巧緒餘能奪道之真心宗一了萬法具
辨才飛轉陶家輪君不見阿難多聞及辨慧咒語要敵
摩伽神

天育二老禪惠示經佛偈答以十詩

二老毫端一滴曹喚醒寐語沒忉忉更無慧可安身處
作莫當時立得牢

餘塵明極強分離菩薩如來是阿誰既道本來無一物
將何芥子納須彌

龍宮海藏自分明揜揜灘頭一任傾因果若還終不昧
政須防作野狐鳴

書經猶有遮箇在畫佛何曾夢見來玲石玉峰雷雨過

梅花昨夜一枝開

三經已是太多羅州去休休更問婆箇裏幸然無一事
何須終日把甌磨

四十劫來閒坐休忽拋長舌開籃頭若言面壁為心法
瞿老還輸第一籌

懵懂維摩不二門畧無遺囑付兒孫普賢若匪剛饒舌
此事如何更吐吞

老闍無聖亦無言薦指虚空喚作禪掌血條痕無着處

教誰白地惠青顛

般柴運水老龐禪佛法無多在蜜邊關汝將來還與汝

因師交關更團圓

生老年來病已深灸瘢着艾復難禁六根四大原無有
何處求師下一鍼

鄭德言親覩洛伽觀音相遂依所見繪畫朝夕嚴
奉且求贊語敬題其旁

具足圓通性一念本昭徹佛我與信心是三無差別凡

人未見聖如渴以何說佛身忽現前如水印秋月心精
自開遮見根匪優劣念中有大士珠璣百寶結補陀洛
伽相自在猶日揭是名為正觀倒想作奇絕稽首圓通
尊茲念無起滅非相亦非念不盈復不闕唯然觀自在
無眼耳鼻舌

拙倡調偃谿上人

昌黎先生入山裏大顛牢把數珠子松下經函着淨瓶
照管習之翻却水丞郎滿擔江西禪行行勘辯撩天鼻

偃谿爛嚼雪窗紙換却舌頭別參起

雪窗董寺丞將指平讞安晚來訪因舉似偃谿為

下一則語

佛法方當惡劇時偃谿笑裏袖鉗鎚不教管領千雲衲
打徹頭關更問誰

簡雪窗董寺丞

世路機心去兔迹雪窗一縷不遮藏蒲雲梯月真遊戲
茅舍何曾外玉堂

聖賢事業在心槃禹稷顏回豈異觀世故波瀾同起滅
姓名千古要清寒

山間大風雨晝夜不止聞松聲撼牀戲成拙語漫
錄呈葺芷參溪

顛風橫雨窮山秋樵青弛擔車停輟松聲撼空吼萬牛
轟騰勢欲傾不周晨雞拒吭音且愁百鳥何敢相喧啾
恍疑趙壁環諸侯呼聲動地鏘弓矛入疑變化鷗鵬儔
垂天鼓翼南溟陬或者挽翻河漢流電飛霆擊龍蛇蚪

不如火烈陸渾丘天跳地蹕啼熊猴狂吞狼吐山裂鳩
大音奔騰怒相投夢中驚迴仙枕游分明夜宿浙江頭
三更潮水掀柁樓蒼茫起坐擁黃紬觸屏喚作錢塘舟
此身端坐巖之幽如何兩耳不自由乃與喧寂為沉浮
影蛇石虎以妄求世間萬事浪喜憂大學能定心逸休
疾雷破柱方夷猶真須浩養師孟鄒風止韻作商聲謳
和復岫賡齋之什

勝地來休沐山程懶忌前草堂新杜曲詩格舊臨川客

乘千珠履翁琴百澗泉參尋幽路滑空想石頭禪

大雅千巖秀清標萬玉前醉扶有宗武屬和得師川境
勝堪勸月詩香可釀泉竹林風度在枯坐笑僧禪

書西湖雷峰講主草書

寶慶丁
亥閏夏

余以職事出郊歸塗午漏下逋暑於雷峰老師肅客
乃二十年前所識雲上人也因索草書縱觀成古風
十韻以贈

雲師一生耽聖草銀鐵燭空觀天巧老來逸氣未全平

筆底鋒芒猶一掃開關勇士爭赴敵劍戟弓戈奮相繚
睡龍決起求領珠劃木抓巖紛怒爪風雷喧颺撼坤軸
飛電交橫印清沼忽然天宇變空澄千丈孤峰立寒峭
張顛驚號智永泣剥筋椎髓為君飽恨予不習草書訣
九轉枯腸祇自攬雲師雲師汝誠能春蚓秋蛇幾時了
何如認取主人翁破衲蒙頭紙窗曉

送王伯厚入廣

五行在天地惟水明且清如何南中泉乃獨以貪名水

號墨與弱淖汨稱濁涇彼皆有其實所以得此聲山川
日秀發九疑羅翠屏扶輿產清淑丹砂銀石英有泉出
其間泠然堪濯纓政坐貪夫累土炭浣玉冰桓山以雕
故至今人羞稱柳子愚其溪百世相因仍有如此白水
好貪豈其情我欲招夷齊闕之南山汀一洗萬古貪
雪歸東溟夫君素潔已贈以貪泉銘

送繼一郭處士

聖君如堯舜豈無巢與由計然亦何慕五湖一扁舟之

人久不作側席思巖幽嘗聞鹿何君清芬徹凝旒

闕

重華錫嘉號見一光林丘誰謂雅

道息競風日悠悠脫冠掛神武有士歸東州笑將金閨
籍猛博處士裘釣天為開顏曰此夷逸儔大書繼一字
虹光屬奎婁宸章軼麟衣正聲出天球清名獎靜退下
視古素侯審謨廣先憲矯節追前修況今輯衆雋丞弼
登虞周明時樂閒暇出處自不侔赤城宅仙子登陸方
蓬洲君歸訪司馬坐忘春與秋方瞳照綠髮戲轉黃河

流烟霞肅通客隱者應輟耰歟乃輔行色春風生杞樓

兩宋名賢小集卷二百三十五

欽定四庫全書

兩宋名賢小集卷二百三十六

宋 陳思 編

元 陳世隆 補

介軒詩集

趙汝談字履常號南塘太宗八世孫居餘杭淳熙十一年進士累官至西外中正理宗時歷給事中權刑部尚書卒謚文懿

南湖

每憶西湖上青帘

舊作連非

賣酒亭柳條魚鱗翠花片馬蹄

馨寒食經行路晴牕入夢屏因循春又晚風絮攪空冥

靈谷

靈谷神仙宅言歸肆目新山光遠如畫秋色老於人世
事慕爭劫人心海變塵功成思范蠡湖上一閒身

翠蛟亭和鞏豐韻

幽亭枕蒼峽雲竇通曲水百折如建瓴
濤濤鳴不止客

來一抽鑰白霧嘒岩底歛翕千丈蛟拏空翠濤起天開
混沌竅日洗盤古髓諒匪畜池鱗多應化雷尾馮陵氣
易壯怖蕩辭難侈日假金洞光景逾瑤池泚誰云遊方
外巧異淄塵裏坡仙頗年數覲面猶尺咫采句貴自然
鞏言良是已琬題豁靈界篆出蕃君里物生亦倚數有
形必有靡道人亦多事浮念何時死余生嗜泉藪痼習
牽研几太息動靜機于何寄真理醉倒和滄浪煩君更
詳此

附趙彥假和詩

天下名洞天有山必有水餘杭山水窟神仙所棲止
仙人乘雲去玉蛟留潭底至今雷雨夕蛟睡時驚起
爪劈巖石裂石罅滴乳髓涓涓泉流出半垂白鳳尾
風來琴筑響月照纓絡侈曲折納深池徹底清且泚
築亭當澗衝木石相表裏翠壁潤含烟層峯去天咫
道人幻出奇指顧猶未已忽驅蛟走鬪瞬息八百里
怒氣挾奔霆草木為披靡兒童驚振掉面若槁灰死

達人本大觀談笑自隱几
須臾羣動息靜坐窮物理
水石本無心相激一至此

附趙汝讜和詩

衆峯抱蒼龍蛟屈翠蛟水放之兩崖間奔洶不得止
濤瀾生席上雷電轉石底恍疑天柱搖將拔陰洞起
蘇公雄氣壓詩骨得仙髓指麾驅鯢鯨赫變動其尾
紛紛下土人蟻蛭自封侈聚觀目精眩筆墜汗流泚
坐令空谷嘯聲徹霄漢裏君來松根吟仙者相去咫

老蛟破鎖去餘怒猶未已決開澗千丈散作霧五里
今年溪湖乾草莽生意靡寸泉落山苗靈鑰起垂死
遺吾雲子飯報汝青玉几野人尋泉竇筒堞方復理
泓然山巔池冬夏常若此

遊洞霄宮

好閒謝塵事來作名山遊策杖西澗曲乞漿東家丘大
滌古洞天仙人此藏修至今翠箬下半夜丹光浮山中
舊相識置酒為淹留日移雲牕午水滴空牀秋授我長

生方揮麈談玄幽我髮亦已白赤霄莽何求業緣苦未
斷一笑風引舟回首青天長身名兩悠悠

翠蛟亭

我生宿有山水癖乘風直到匡廬脊匡廬之水懸百仞
天下谷簾名第一尋幽偶訪大滌洞絕壁飛流動寒碧
忽如翠蛟出亂壑勢與廬匡亦相較敲空倒影搖寒星
却疑夜半銀河傾

大滌山洞霄宮

此亭此水幾徘徊舊觀今新老眼開行險不盈還一笑
窮源未得且頻來湯年間亦旱禱雨禹步乃能冬起雷
戲語聊貽道門舊高明了後復何猜

環錦亭

在臨安縣
余氏園

與子鄉鄰信有年故王遺事到今傳爽鳩邑改風煙在
散騎園分水竹偏高架插書供夜讀滿堂戲綵敵春妍
相如可是區區者戲筆題詩亦偶然

兩宋名賢小集卷二百三十六

欽定四庫全書

兩宋名賢小集卷二百三十七

宋 陳思 編

元 陳世隆 補

延月樓詩稿

李若川字子至紹興中江南東路轉運判官乾道初
以吏部尚書使金

三韻雜咏七首

礎潤濕欲雨月暈知有風大哉天地理機熟潛可通念
彼在世人心隱無由窮

斯人異好惡是非汨真情驚有翅莫飛蛇無足能行世
事亦如此未可一概評

足隨意以行目惟心所視若必待使之動行即相戾是
故造自然斯為理之至

鷺白固非珍鴉黑亦匪貴使其色相反人皆競稱瑞世
情惟尚奇在理則為蔽

足安咫尺地臨險生憂危世故日紛擾逐物心難持心
定境亦定禍福安能移

一氣有清濁二儀成覆載魚鳥各飛潛草木異榮敗不
齊乃至齊造化所以大

瞽者不視色聾者不聽聲觀其動作間視聽由心生一
心苟有蔽耳目絕聰明

途中阻雨

高雲無急雨飛灑如絲輕幽人動羈思冒雨登歸程風

來曉煙亂雲破春山明
眷言憩荒館我懷有餘情
壺中載濁酒飲罷還自傾
酒盡興不盡關關山鳥鳴

夜泊富陽

弭節富春岼江潮侵夜生
扁舟人未寐風動菰蒲聲
羣物漸以息客懷有餘清
開篷坐深夜月在雲間明
遠眺江水濶仰視天河橫
念此復何極曠然千古情
恨阻心中侶濁醪相與傾

理舟

為客始逾月迢迢若經年
晝永空館寂古木參雲煙
我生聞道淺未能超世緣
念此方寸地憂來相縈纏
今晨動幽興沙岸泊歸船
岼遠望不極歸思隨長川

獨酌

兀坐起往念新愁忽來侵
鬱鬱不自怡開尊獨盈斟
舉杯對孤影浩蕩生幽襟
百慮遂消散無復縈我心
修篁爾何情風中來清音
不覺日已晏四面山沈沈
超遙醉中適頽然忘古今
染翰記所寓音屬自成吟

村社歌

清曉熨熨鳴社鼓前村後村走兒女田家醵錢共賽神

謝神時晴復時雨案有

一作具

肴酒爐有香老巫禱祝躬

案傍願得年年被神福秋宜稻穀春宜桑人淳禮簡酒
無數歌笑喧闐日將暮田翁敔側醉歸來山頭明月山

前路

蠶婦詞

舍前舍後桑成林鉏鑿不放青草侵東風滿條新葉大

村家愛此輕黃金日暖春蠶大眠起戢戢盈箱齊若指
看蠶新婦夜不眠蠶老登山滿家喜阿姑嗔辦噪連遲
小姑已催修織機殺雞沽酒賽神福今歲不怕寒無衣

兩宋名賢小集卷二百三十七

欽定四庫全書

兩宋名賢小集卷二百三十八

宋 陳思 編

元 陳世隆 補

方是閒居士小藁

劉學箕字習之屏山先生子翬之孫七者翁珏之子

有方是閒居士小藁

吾廬寓言

五峯之山環吾廬五峯之水清溜渠山水可樂情可娛
五畝之宅奠厥居清湖列嶂開坐隅白沙蒺峨煙岫鋪
崇山梅嶺豁望眼高門堦阜聯襟裾况當春晚積雨餘
綠褥翠疊青珊瑚桑麻滿路人意好鳴禽上下齊相呼
迨今八月初楓林隔水紅凋疏秋場稻熟聽蓬樸
小槽新釀傾真珠昨宵一雪飛璫璵遠山近山光凝酥
羣峯突兀不敢覲銀壁照耀天鬼塗千金不須買畫圖
丹青縱有畫不如風景萬態朝昏殊天成此畫人難摹

蔬荒圃廢幾朝夕一日築居天賜予四時遊觀心良舒
考槃在阿歸來乎乃歌曰採於園兮籃有蔬釣於水兮
筐有魚余之弗歡兮其誰之歡與又歌曰惠水清兮出
有車芸香芬兮讀有書余之弗樂兮其誰之樂歟
清湖
白沙
崇山梅嶺高門堇
阜皆屋側山名

石假山

潭溪散人方是閒真山不愛愛假山呼童積疊山磊砢
遠近便擁峯與壘晴嵐滴翠明窓前清影掛壁方池邊

色侵書帙日華薄丘壑生上生雲煙雲煙收霏苔蘚綠
山石傍頭更栽竹三竿兩竿韻不俗搖蕩青風涼意足
方是閒人當此時以假像真人謂奇或來靜對酌美酒
或來晏坐哦新詩吟詩搜索縈心脾酒醉落魄精神癡
吟詩飲酒且不可況復局上爭枯棋不如對山撫吟琴
琴心三疊舞胎禽高山流水存至音古趣澹泊悅我心
老泉三峯欄木材百年沈埋安在哉東坡仇池九華石
只有佳篇傳入集此山亦猶令視昔與我同生亦同沒

社日喜晴分韵得前字

夜來急雨淙飛簷晚驚紅日輝潭川梨花有情朝露重
柳帶無力春風顛傍簾新燕低拂掠入檻戲蝶相聯翩
今晨天氣亦佳爾一春未見茲晴暄綠陰林下笑聲好
簫鼓賽社祈豐年金穰屢豐豈不好米賤更苦人無錢
太公九府法已弊楮幣印出私相權所司轉變無善策
低昂用否難流傳縣官那更租稅急白紙不問黃榜蠲
窮民非負實無有里正罰責殊可憐吾儂雖樂此日美

醕白醉倒春風前却愁煙雨暗春晚米價頓長民憂煎
寄靜菴

天寒日短道路長白雲飛去知吾鄉大江之東渭之北
念吾故人何可忘別來楊柳春依依只今開到梅花香
扁舟漫浪歸未得京塵海裏安行藏身名未立仰天笑
牀頭夜夜鳴干將羨師物外無寵辱庭前柏樹常蒼蒼
吁嗟急羽飛不到二千里外空相望五雲前墜滿室光
報師之意無以將篇詩滾墨纔淋浪一聲雁過天南翔

紫溪莊舍讀癸丑壁間舊題轉眼忽十八年同遊
十不存一滋蘭弟亦作古人拂拭灑涕幾不欲去
因誦歐公詩云人昔共遊今有幾樹猶如此我何
堪為韵感懷成十四章庚午四月中澣

維昔舊遊十有八春中間往來合散風塵詞翰在壁瞻
之愈新憶我仲弟渺然懷人

其二

吁嗟人生年不滿百天地圓形百代過客去日苦多來

日苦窄我曷不樂慨念疇昔

其三

草角燈窓硯席是共春山朝吟秋堂夜誦棄背三年心
骨沈痛幾夜見君似夢非夢

其四

念昔童稚汎然若舟惟吾與君孤苦同修博文約禮匪
遨匪遊子方盛年遽赴玉樓

其五

朱坦素壁醉墨滴淋虛堂重臨思古傷今文不忍誦盟
不可尋即事即物收淚痛心

其六

舊題墨妙龍蛇戶牖步驟歐虞摸倣顏柳醉裏百篇冥
搜九有天胡奪吾張仲孝友

其七

屈指友于祇今存幾自仲之去失此奇偉言不勝情心
旌憤悱哀哉蒼天兩淚如洗

其八

團團庭柯清美無度今我來斯忽然老樹偃蹇輪囷剝
蝕摧蠹朱顏薜華詎得如故

其九

興念陳迹夢寐吾猶植杖風雩某水某丘日居月諸循
環靡休迭爾遙邁曾不吾留

其十

憶自束髮茲焉寓居載思載瞻宛不異初極目遐眺清

風穆如撫事懷人悲來感余

其十一

少生四方遊紫之水每有良朋見止遇止長哦伐木求
友乎此樂以忘憂云胡不喜

其十二

維親與朋雜然滿坐華屋連甍紅紫繁夥半世重遊霧
迷煙鎖慨然撫膺謬悠老我

其十三

念昔考槃碩人之邁琴豆觴酒寤寐笑歌逝者弗返涕泗滂沱念彼不樂傷如之何

其十四

賢乎仲弟和樂且耽自我不見歲籥換三百感交集憂心如惓山疑暮雲回首不堪

插秧歌

農夫戢戢清波闊秧稻茸茸森石髮父兒呼喚手拔齊千把萬把根連泥四更垂月躡隴陌曉煙漸散東方白

歸來喫得飯一盂擔到田頭汗似珠蹲身壁叢種入土
不問朝昏與亭午肌膚剝裂肉起皮烈日纔陰又風雨
秋收幸值歲稍豐穀賤無錢私債重連忙變轉了官賦
霜雪凍餓愁苦窮吁嗟四民天地間服田力穡良獨艱
寄言安坐西方輩汝飽不慚吾厚顏

醉歌

讀書求見古人心閉門不知青春深夜來東風掃浮陰
曉光薄林生遙岑搜尋不覺出門去綠暗溪邊楊柳路

詩章立願不復作會景那知自成句歸途晤語誰與從
眼前物物俱春工棠桃積李事已晚牡丹正麗酴醾穠
白茶照人冰雪同紅茶燒空猩血紅金沙雨晴翡翠積
海棠露煙濕脂重急呼詩朋喚酒伴高堂共泛琉璃鍾
夜闌秉燭相對語漫道今人不如古古士放達醒者稀
今人不飲徒自苦

和韵

窓燭銷殘轉寂寥柴門無復野僧敲偶來枕上吟詩就

記向心頭欠筆抄鳴竹數聲疑雪片尋梅清夢到山坳
世情雲雨多翻覆誰是江湖耐久交

白山茶

白茶誠異品天賦玉玲瓏不作燒燈焰深明韞積功易
容非世力幻質本春工皓皓知難污塵飛漫自紅

舟竹三章

桂櫂兮蘭漿沂流兮沿洄天迴兮空明湍激兮聲哀水
落兮石出路轉兮溪回鷗飛兮山淨魚戲兮藻開淹留

兮何為盍賦兮歸來

其二

扁舟兮容與浮雲兮舒卷波澄兮練橫山秀兮屏展散
髮兮平岡濯纓兮清淺皇皇兮何之路長兮悠緬蚤賦
兮歸來迷途兮未遠

其三

容與兮扁舟長吟兮閒情白石兮離離秋雲兮霏霏我
思兮光廬水潭兮山屏帳空兮鶴怨人去兮猿驚蚤賦

分歸來涉園兮欣欣

鈇山解字題壁

莫遣離愁相絆縈九州之外盡愁城酒頻挹注幽憂浣
詩苦冥搜太瘦生漠漠草茵飛蛺蝶深深柳幄韻鸝鷯
客懷未與成匆遽三沐三熏慰此情

道閒池亭小酌

一曲芳池萬柄荷遊鯈潛躍水揚波竹絲楹檻風偏細
梅子江湖雨正多凡物遇時俱意得謂予不飲奈愁何

暫來徙倚又還去猛拍欄杆浩浩歌

太湖書懷

清風起平湖白雲生澗陰佳時慘不樂羈思苦難任客
子熱中腸浩然懷故林仲夏倏已過艸木鬱蕭森萬物
欣有託吾生何崎嶇念昔歲甫冠自許雙南金只今墮
危塗不如煙際禽山水所素願利名非宿心何當返故
廬嘯傲蒼崖深兩鬢豈長綠勿枉吳霜侵

九月十八日夜夢賞春某氏園池賦春詞二首題

柱

為藥花開日漸長小窓閒理舊笙簧憑誰為喚詩宗匠
共賦留雲借月章

其二

樓下醪醕壓架香翠圍帷幄覆池塘桃花浪煖魚成陣
人倚雕欄到夕陽

古交行

并敘

予因雲莊李達先遂識漁隱陳惟定二公博學多材

藝獲從之遊幸矣賦詩一篇以見意

君居京江頭我住武夷曲平生風馬牛道路幾重複會
面情相親卜室欣相鄰傾蓋一笑粲恍然如故人君家
義聚五百指堂上怡怡奉甘旨收書萬卷不言貧撫卹
孤嫠甚勤止我家貧獨與君似自我之出誰料理歲晚
團樂未得歸感事捫膺但增恥知君念吾留客裏每見
時能具羞心吐肺肝所同然尊酒論文日終晷古靈
故家好孫子披覲芝眉因識李博洽多聞世希比頃刻

龍蛇飛剡紙我慙學術殊不逮二君二君愛予心良勤
交遊情鍾固以類愧以蕭艾聯蘭薰常恐此時心易變
作甘和醴欲君持此心淡若秋水古人心交尚道義
今人利交尚權勢古道于今何寂寥傷心不識古交意
兩君姿質俱精金百煉不改色愈明兩君體性如美玉
渾渾厚厚韞諸櫝上映亭亭巖上千歲之孤松下方磊
磊豐山百世之霜鐘松青不變四時色鐘鏗一朝振文
物予何人哉得附驥勉勉誰敢自暴棄日暮長歌伐木

篇三復詩人琢磨義

蕭長公來訪示以諸公詩卷謂與予遊從之久不能一辭為贈頗相咍責予賦之不可辭之亦不可皆有說焉名章俊語前後相望無數次乎其間是觀西子之容面自增醜耳所不容却者予年十五時海山官丁受琴于長夫今予年四十與長夫有二十五年之舊辭之弗作其可乎因書數言

生平不願為傭書亦不願作章句儒酒酣詩成吐素霓

意氣凜凜吞千夫前年排雲叫閭闔出門一夜車四角
去年海嶠席未溫一舸乘潮又催缺大江之西日本東
廬陵文物常稱雄決科歲占十八九君當努力提詞鋒
才高不用長歎息四海彌天豈無識壯年懷居亦何有
著眼帶礪開胸臆巖巖柏府凌高寒豪士傾蓋宜交歡
我知屠龍不屠猪食馬政欲食馬肝吳姬壓酒飄香絮
謫仙神遊歌白紵敬亭惟有孤雲閒欲雨人間亦飛去
有所思

憶昔美人初別時長亭兩岸柳依依今日美人天之涯
美人美人胡不歸憶昔君別妾分破青鸞鏡破鏡如破
心與妾表相憶相憶圖久深憶昔妾別君剪斷金鳳釵
斷釵如斷腸贈君表相思相思圖久長一日一日復一
日青鸞孤釵鳳隻未必君相思能如妾相憶寒衣剪
就欲寄君長安門外無行人雁聲半夜西風惡窻前一
片梧桐落

觀猿

掛石攀雲日半斜
亂山深處飽煙霞
香林月滿僧歸去
啼落春風幾樹花

失鶴

頂上新成九轉丹
缺花日日到春壇
夜深飛上雲霄去
華表月明風露寒

宿大慈山悟真觀

終南道士學彈琴
門外松蘿鎖翠陰
涉海八龍朝出洞
隔山羣鹿夜歸林
琪花過雨溪風澹
玉樹籠煙壁月沈

三十六壇鐘鼓寂雲璈聲接步虛音

賦林景參梅嶼

結廬分得雁山雲嶼上梅花是四鄰水月一天薌世界
冰霜千古玉精神短檠夜雨西窓夢長缺秋風北塞塵
我亦煙波綸釣侶與君同作歲寒人

懷潘鄧屋

洛陽纔解珮過眼忽秋分四海一明月千山共白雲雁
煙迷曉樹蟲露濕香芹滿紙相思字臨風欲寄君

吳江道上

夜半扁舟出洞庭客帆初掛早潮平
社風纔起海鷹至嵐露未收江鵲鳴
吳岫亂雲擎古塔楚皋寒葉擁荒城
垂虹橋外天連水無限別離生杜蘅

登西樓懷湯損之

楊柳飄颻春思長綠橋流水遶宮牆
碧雲望斷空回首一半欄干無夕陽

吳山雪霽

九天空闕春風滿陸地樓臺夜月寒鐵笛一聲吹雁落
片雲不到玉欄干

雙路

王命馳驅不敢輕文書要數去來情青山步步生幽意
碧澗悠悠超遠程春淺禽聲猶自小泥酥馬蹟正宜晴
地名見說名雙路便舍崎嶇就坦平

實際窻前睡香

瑞錦窠應對錦郎誰將靈種到幽坊山深月冷梅花老

壓盡羣英是此香

石橋樓待

當年立雪直齊腰宗旨流傳到石橋
風急窓寒燈影遠
疎梅無語夜香銷

手筆華嚴梵笈新更開寶地接迷津
一聲金磬人初靜
月照空山草自春

聞寺中曉鼓

靈龜一鼓振潮音
征夢迢遙枕畔聞
語斷頻伽天正曉

松風吹散滿山雲

跨水道間

店舍總迢迢山深轉寂寥看鷗臨遠水下馬過危橋晴
雪林間少春風野外饒此行為王事旅食任蕭條

峇山鋪

未說路行難山深分外寒晚村林隱寺春澗石鳴灘薄
宦曾無補勞生敢自安羽書雖較少備禦莫教寬

杏塘

境接江東界郵程是杏塘雨喧茅屋小泥滑草橋長曠
野人稀少平田水渺茫半生遊歷地未若此荒涼

四安焚惠藏殿

記云曾經兵火不能焚法輪自轉

劫火不能焚空中轉法輪風霜鴟殿古金碧貝函塵物
本由成數人言不壞身却憐無問者遺蹟竟成陳

上司諫曹先生

聲名滿世重如山果見延登左掖班天子虛心求國是
先生著手濟時艱要看出處諸公上只在精神一轉間

前此極言雖引去安危理亂正相關

池萍

一番雨過一番多間挾晴風漲綠波
柳絮吹殘遊蹟在
謝池點點是陽和

竹籬茅舍去相安誰與移根入畫欄
儘道重簾妨暖日
疎枝却得護春寒

風標漫與萬花殊可有塵埃染得渠
把住瓊枝相晤語
只疑身在玉堂居

和陸明叟

了無閒事上眉纖
一炷清香靜畫簾
造化自從回暖律
芬華頓覺轉窮簷
輕風度柳春情薄
細雨催花土脈黏
所愧微官相束縛
何因共訪酒家帘

夜窓聽雨

一炷夜香清挑燈聽雨聲
雖然添客夢却可助詩情
澤沁蘭心重泥酥笋角萌
山行頻有約日日候晴明

破榴

蜂殼盈盈萬顆珠潤於瑪瑙浸水壺吟心先自清如水
嚼了寒霜骨更臞

登應天塔

雲級湧青冥金鰲載寶輪地高心自逸天近足無塵圖
畫千峰晚樓臺萬井春三生許元度曾此證前身

鰻井

在應天塔後羅漢堂舊聞有泉透海後
為婦人所穢今枯涸矣下即濮邸園廟

人言此井有靈源潮落潮生透海門陵谷未須窮變易
朱牆裏是濮王園

大能仁寺

山門八百餘年戊戌秋震於風雨

規模應甲剎殿閣擁金仙歲歉炊煙絕城低野色連客僧皆散去主者獨安眠成毀難逃數山門八百年

留滯

何期踪跡又遲留行止於人自不由夢境固知空似蟻生涯却笑拙於鳩碧涵一鏡晴天濶翠擁千峰宿雨收從此公餘須杖屨未應草草度春休

曉寒

曲曲屏山憶夢中峭寒成陣入簾櫳宿香銷盡金猊冷
一樹梅花却曉春

晚思

客思悠悠幸自安亦因吟事可相寬小窓過了簾纖雨
細與東風說晚寒

用明叟韵併寓山行未成之意

久客住蘭亭心同晉水清忘機盟宿鷺伐木聽雛鶯物
亦知人意春寧有世情幽尋空作計一夜雨連明

苦雨

何期一雨成三日約客同行竟未能春到分時陰不解
夜當深處氣猶凝簷低捲箔看颼灑礎潤添香散鬱蒸
想見故園梅落盡和羹消息又堪憑

雨中用雪坡韵

無計酬春獨有詩倚欄終日候晴暉東風漸屬新桃李
簾幕深溪燕子飛

雪坡以雨阻山行有詩用以次韵

為欲看山助眼明頻占鵲喜報新晴春光已過三之一
塵世難逢四者并詩酒深情殊未適水蔬薄具亦頻更
終來不似西湖好晴雨皆堪傍柳行

月丹和鶴莊韻

靈種飛來鶴頂紅誰云九轉有仙功廣庭曾侍東風晏
留得霞杯照晚叢

禹廟

且要盡清歡須知一出難人因晴後喜春到水邊寬柳

長官橋媚梅飄客袖寒
荒祠存禹蹟得得又來看

鏡湖一曲

天與平湖老賀郎
春波依舊染晴光
可憐千載風流意
付與租符曉夕忙

用雪坡春色韵

纔出城門興便濃
晴光野色兩俱融
柳方染得三分綠
桃已熏成一半紅
山湧林巒荒寺隱
湖分港汊小舟通
相攜各自論年事
幾度春風一鬢蓬

用梅溪鏡湖韵

畎畝鏡中分，滄波雜斷雲。
向來官裏賜，今屬野人耘。
懷古天難問，貪吟日易曛。
羽衣傳遺本，起誦想餘芬。

天基瑞應宮

舊毓聖地

金碧擁瓊廬，天開繞電區。
烏流周室瑞，蛇斷漢家符。
石井騰曦馭，瑤壇布斗樞。
願將皇極福，敷錫徧康衢。

送東蒲張應發歸永嘉

客裏偶相逢，襟懷亦偶同。
對梅吟夜月，新柳間春風。
子

勿言浮梗余方笑轉蓬歸程經雁蕩得句附郵筒

碧桃

月浸虛庭夜未央一枝靜對白雲鄉三生自結玄都約
來伴疎梅到玉堂

一春屢有陽明之約雨輒尼之將旋幙侍外舅來
游邂逅二羽衣一能參上道一能知天丹竟日留
話喜賦二解時清明日也

幾有行山約山靈早得知仙家寧易到塵世亦何為草

潤非煙石花流止水池不晴還不雨正是賣餠時
裂石未嘗關母將俗眼觀虛中原有愛造蘊亦何難羽
客能談道雲房識侯丹只應仙有分風響步虛壇

道間見桃李花

東風到處競繁華不問窮櫪與大家垂柳絲中深院宇
隔牆時有出來花

古寺

應天曾建塔又此結精廬釋氏緣何熟詩人念總疎

壁荒遺盡水僧老學醫書咲我重來者經年不定居去年

點木白洋
僧居此寺

奉和龜翁送別

為說吟邊事曾陪讌笑頻自慚無韻者敢對有名人雨
洗秦山曉波明鏡水春匆匆還別去芳草正如茵

蕭山望城中遺漏

見說天文變頻占太史臺但云星犯月不料火為災盡
夜看煙滅逢人問訊來丹心勤戀闕東鄉極裴徊

喚渡旋幙

半載蓬萊地相攜只是詩心懷丹鳳去夢與白鷗隨俯
仰俱無愧勤勞必有知歸舟平似掌天亦念孤危



兩宋名賢小集卷二百三十八